

Aningaasaqarnermut Ataatsimiititaliap suliaq nr. 01.31.06/08-00383 pillugu pingasunngornermi ulloq 5. november 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 1. november 2008-mi ataatsimiinneranni imm. 2 e)

Peqqinnissaqarfimmut ilassutitut aningaasaliissutissatut qinnuteqaat, kiisalu Ilaqutariinnermut Naalakkersuisoqarfimmiit Peqqissutsimut Naalakkersuisoqarfimmut aningaasanik nuussineq missingersuutitut sunniuteqanngitsumut

Naalakkersuisut inassutigaat,

- kontomi pingaarnermi 30.01.01-imi, Ilaqutariinnermut Peqqissutsimullu Naalakkersuisoqarfimmi allaffissornermut tunngasumi, aningaasaliissutit 2008-mi 6,4 mio. kr.-inik ikilineqassasut .
- kontomi pingaarnermi 32.10.05-imi, Dronning Ingridip Napparsimmavissuanut tunngasumi, aningaasaliissutit 2008-mi 5 mio. kr.-inik amerlineqassasut, kontomilu pingaarnermi 32.11.03-mi, ataatsimut aningaasartuutitut, napparsimasunik angallassinernut il.il. tunngasumi, aningaasaliissutit 1,4 mio. kr.-inik 2008-mi amerlineqassasut
- kontomi pingaarnermi 30.30.01-imi, Ilaqutariinnermut Pitsaaliui nermullu Aqutsisoqarfimmi allaffissornermut tunngasumi, aningaasaliissutit 2008-mi 1 mio. kr.-inik ikilineqassasut.
- kontomi pingaarnermi 32.10.05-imi Dronning Ingridip Napparsimmavissuanut tunngasumi, aningaasaliissutit 2008-mi 1 mio. kr.-inik amerlineqassasut.
- kontomi pingaarnermi 30.30.02-mi, Paarisami pitsaaliuinnermut peqqinnissamilu siuarsaanermut tunngasumi, aningaasaliissutit 2008-mi 0,8 mio. kr.-inik ikilineqassasut.
- kontomi pingaarnermi 32.10.05-imi, Dronning Ingridip Napparsimmavissuanut tunngasumi, aningaasaliissutit 2008-mi 0,8 mio. kr.-inik amerlineqass asut.
- kontomi pingaarnermi 30.30.03-mi, Inuit peqqissuunissaannik suliniummut tunngasumi, aningaasaliissutit 2008-mi 0,5 mio. kr.-inik ikilineqassasut.
- kontomi pingaarnermi 32.10.05-imi, Dronning Ingridip Napparsimmavissuanut tunngasumi, aningaasaliissutit 2008-mi 0,5 mio. kr.-inik amerlineqass asut.
- Kontomi pingaarnermi 30.17.03-mi, Peqqissaanermik ilinniarfimmut tunngasumi, aningaasaliissutit 2008-mi 1. mio.-inik ikilineqassasut.
- Kontomi pingaarnermi 32.10.05-imi, Dronning Ingridip Napparsimmavissuanut tunngasumi, aningaasaliissutit 2008-imi 1 mio.-inik ikilineqassasut.
- IST-mi inernissatut missingersuutigisag 7,8 mio. kr.-inik ikilineqassasoq aamma kontomi pingaarnermi 32.11.03-mi, Ataatsimut aningaasartuutitut, napparsimasunik angallassinernut il.il. tunngasumi, aningaasaliissutit 2008-mi 7,8 mio. kr.-inik amerlineqassasut .

Aningaasaqarnermut Ataatsimiititaliap oqaaseqaatai

Kontomut pingaarnermut 32.10.05-imut, *Dronning Ingridip Napparsimmavissuanut* tunngasumut, aammalu kontomut pingaarnermut 32.11.03-mut, *Ataatsimut aningaasartuutitut, napparsimasunik angallassinernut il.il. tunngasumut*, ilassutitut aningaasaliissuteqarnissaq Naalakkersuisut suliami matumani qinnutigaat. Kontoni pingaarnerni marlunni taakkunani aningaasaliissutissatut pisariaqartitat katillutik 17,5 mio. kr.-iupput. Taakkunanga 9,7 mio.-it Peqqinnissaqarfimmut kontonit pingaarnernit allanit nuussinikkut matussuserneqarput. Sinneri 7,8 mio. kr.-it nunatta karsianit aningaasanit tigoriaannarnit tiguneqassapput. Tamatuma soorunami kingunerissavaa nunatta karsiata 2008-mi naatsorsuutaanni amigartoorutit 7,8 mio. kr.-inik amerleriarnat.

Aningaasaliissuteqaqqinnissamik pisariaqartitsinermut pingaartumik pissutaapput napparsimasunik angallassinernut, tarnimikkut napparsimasunut taartaagallartunullu aningaasartuutit amerleriarnert kiisalu Maniitsup kommuniani napparsimasunut paaqqutarisarialinnut kukkunersumik akilersuisarsimaneq.

Peqqinnissaqarfimmi maanna pissutsit imaannaangitsutut Aningaasaqarnermut Ataatsimiititaliamit isigineqarput, taamaattumillu qinnuteqaat allatut ajornartumik ataatsimiititaliamit akuerineqartariaqartutut isigineqarluni.

Aningaasaliissuteqaqqinnissamilli pisariaqartitsinerup ilaanut Risskovimi tarnimikkut nappaatilinnut immikkoortortap atuinerunera pissutaasoq Aningaasaqarnermut Ataatsimiititaliamit immikkut maluginiarneqarpoq. Napparsimasut 18-it uninngapput, taakkunannga 13-it eqqartuunneqarnermikkut inissinneqarsimallutik. Napparsimasut 13-iinnaat katsorsarneqarnissaannut isumaqatigiissuteqartoqarsimammat tamanna Peqqinnissaqarfiup aningaasartuut eqarneruneranik kinguneqarpoq. Katsorsaanissamut isumaqatigiissummut atuuttumut sanilliullugu napparsimasut amerlanerit 2009 aallarnerfigalugu Peqqissutsimut Aqutsis oqarfiup missingersuutigissagaa ataatsimiititaliamit tunngavissaatinneqarpoq.

Ataatsimiititaliamittaaq maluginiarneqarpoq qinnuteqaammi ima allassimasoqartoq "aningaasartuutinik assigiinngitsunik, 2007-imi atuinermut tunngasuni, 2008-mi *eqqunngitsumik annertuunillu* 2008-mi naatsorsuutitut nalunaarusiorsimasoq". Apeqqut tamanna sukumiisumik misissorneqartariaqartoq Naalakkersuisut assigalugit Aningaasaqarnermut Ataatsimiititaliaq isumaqarpoq. Taamaattumillu suliamik tamatuminnnga misissueqqullugu Kukkunersiuisoqarfik Deloitte Naalakkersuisunit qinnuigineqarsimammat ataatsimiititaliamit iluarisimaarneqarpoq. Tamatuma peqatigisaanik suliaq tamanna malinnaavigeqqullugu Inatsisartut Kukkunersiuinermut Ataatsimiititaliaat Aningaasaqarnermut Ataatsimiititaliamit qinnuigineqassaaq.

Kiisalu Naalakkersuisut inassuteqaataat naapertuunnerusumik ilusiligaasimasinnaagaluartut ataatsimiititaliamit oqaatigineqassaaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua